

पिउसंधी

“या अल्ला!” पीड़ा सूं टसकतै बूढ़े बिलोच करुंट फेरी।

कनें ही बैठयोड़ी बेटी झेलो देवा ने हाथ आगो कीधो। बाप री लांबी चोड़ी देह साम्ही देखवा लागी। बिलूचिस्तान सूं आयोड़ा बिलोचियां रो सरदार कांगड़ो माचा पै पड़यो मौत सूं लड़ रियो, जमराज रा दूत लें जाण ने खैच रिया। बरस चवदा पनराक री पिउसंधी सिराणं ऊभी बाप रो पीड़ा देख छटपटाय री। सारी ऊमर घोड़ा री पूठ माथै घर बसावणियो बिलोच प्राणां ने कंठा में अटकाय राख्या। वा पीड़ा ही सिकारपूरा रा पठाणां सूं व्हीयोड़ी हार। वीं बेइज्जती रो बदलो लेण ने पठाणां री घोड़यां खोस ले आवा री घणी कोसीस कीधी पण जतरी दांण गियो, नाक रगड़तो, खाली हाथां पाछो फिरणो पड़यो। पिउसंधी वीरा मन रा दुख ने देख री, बाप रा माथा पै हाथ फेरती बोली, “तुस्सांझे जीव नूं चैण रक्ख।”

कांगड़ा बिलोच, घणी पीड़ा अर निरासा रा आंसू भरयां बोल्यो,

“अस्सांझे पत्तर नीं, पुत्तर होय तो सिकारपुर पठाणां दी घोड़ी ल्यावै।”

बेटो नीं जो घोड़यां लाय बाप रो वैर ले, ई दुख सूं बाप रो जीव नीं निकळ रियो हैं। पिउसंधी रा बिलोच रगत में सरणाटी आयग्यो, लोही दौड़ग्यो। बाप रे साम्हे छाती तांणती बोली,

“मैंड़ा बोल सच्चा जाणै, जै तुस्सांझी पुत्तरी हूं तो घोड़ी ल्यादूं।”

बूढ़ा बाप रे काना में जाणें अमरत बरस्यो।

“तो ला पंजा दे।” हाथ लांबो पसारियो।

पिउसंधी हाथ पै हाथ राख बचन दीधो। सन्तोख री सांस रे सागै बिलोच रा प्राण उड़ग्या।

पिउसंधी माथा रा केसां रो जटाजूट बांध्यो, माथै लपेटो बांध्यो। बाप रा घोड़ा पै जीण कस्यो। बाप रो तीर कबांण संभाळ्यो। बिलोच जवानां रे लारै सस्तर विद्या सीखै। रोज घोड़ो दौड़ावै। सारो दिन कबांण पे तीर चलावै, रात पड़यां बिछाणां पै सूती सूती सपना देखै तो ही पठाणां पै तीर फैकवा रा। खावतां, पीवतां, उठतां, बैठतां तीर अर कबांण। ग्यान ध्यान सगळो तीर कबांण! वा भूलगी के वा एक सोळा बरसां री सुंदरी है। वीने चेतो ही नीं रियो के मिनख जाति रा अखी अर पुरस दो भेद है। वा सोचती के वा कांगड़ा बिलोच रो बेटो हैं, वीरो मन कैवतो, वा बेटो है, आत्मा

हूकारो भरती वा बेटो हैं, दुनियां कैवती अर जाणती के या कांगड़ा बिलोच रो बे है।

बाप री पोसाक पैरयां बाप रा ही सस्तर बांध्यां, बाप रा घोड़ा पै सवार निकलती जद लोगां री आंख्यां वीरा मूंडा पै एक पल तो अटक ही जाती। नित कसरत सू कसयोड़ो सरीर, सूरज री किरणां री नाई फूटतो मूंडा ऊपरै तेज। देख वाळा देखता रे जाता। बूढां रा मूंडा सू निकल जातो "कोई जवान है।" जवानां नजर वीं सू हट आपणै सरीर माथै बराबरी करण ने अपणै आप परी जाती अर दू ही पल पलकां झुक जाती। मांवा देखती तो एक अभलाखा मन में आय जाती, "म्हारे बेटो ही अस्यो छे।" जवान स्त्रियां अपणै पति रा मन में मांड्या चित्तर में ईरो रो धोळवा लागती।

पिउसंधी बिलोच जवानां रे सागै तीर चलाणै रो अभ्यास करती जद मजाल का के कोई ईरा ई रा मुकाबला में आय तो जावै।

कान ताई खैच'र तीर छोड़ती जद हजार पांवडा दूरो जाय निसाणो लागतो।

दाना बूढा दाद देता, "ई रा बाप रो तीर पांचसौ पांवडा पूगतो यो हजार पांवडा दूरा री खबर ले।"

सांझ रो वगत, सूरज भगवान आपरी किरणां ने भेली कर घरै पधार रिया। आखा दिन, डाळी डाळी फदक नाच'र पंछी घरां साम्हां मूंडा कीधा। सूरज री किरणां सू सुनैरी रग्योड़ा पांखां पसारयां लीला आभा रे नीचै उड़ रिया। धूसाळा में सू छोटा छोटा मूंडा काढ़्या बच्चा मांवां रे आणै री "चू चू" करता बाट न्हाळ रिया।

रेत रा टीबां रे ढाल में, छोटी सी तळाई पै एक जुवान बैठयो, पाणी में झाकतो काई सोच रियो। कनें ही एक मोटो हिरण मर्यो पड़्यो, वीरी गाबड़ में घस्योड़ तीर कनें सू टपकती लोही री बूदां बताय री के अबार अबार ही सिकार कीधी है। खेजड़े रे गोड सू बंध्यो घोड़ो हीस रियो, तीरां सू भर्यो भाथो जीण रा सिघाड़ा में लटक रियो।

टीबां रे पाछली कानी, मिनखां रे बोलणै री, घोड़ा रे टापां री अवाज गुण, जवान ऊंचो माथो कीधो। टीबां रे ऊपरै ऊभो एक आदमी हाथ सू आणै रो इसारो करता आपरा साथ वाळां ने हेलो मार्यो, "तळाई में पाणी है, आय जावो।"

घोड़ी ही देर में, कतरा ही तिसाया घोड़ा रा मूंडा पाणी सू जाय लाग। आयोड़ा घोड़ा घोड़यां ने देख वीं जवान रो घोड़ो ऊंचो मूंडो कर जोर सू हीसवा लाग्यो। आयोड़ा मिनख छोड़ी छोड़ी आंख्यां सू वीं जवान साम्हां देखै, मन में कैवै, रूप अर तेज रो अस्यो मेळ देखणै में नीं आयो, ई सूरज री किरणां तो डूब री हैं अर ईरा

मूंडा सू किरणां फूट री है। कुण क्लेला यो। एक सवार सू रियो नीं गियो, जाणै कोई सगती वीने खैच'र वठै लेजाय री छै। घोड़ा सू उतर वीरे कानी चाल्यो।

"काळेर तो ठाढो है, कठै मिल्यो?" सिकार कर्योड़ा हिरण रे कानी झांकते, सवार पूछ्यो।

"अगला ताल में। आओ बैठो विश्राम करो।"

या ही तो चावती वो। सवार बैठयो, जवान सरक'र बिछ्योड़ा जीण पै आधी जगां सवार ने दीधी। वातां क्लेण लागी। आपणी आपणी ओळखाण कराई।

"म्हने भीमजी भाटी के, पाटण गांव रो हूं।"

"म्हू कांगड़ा बिलोच रो बेटो।"

"आप तो सिंघ रा रैवासी हो, अठी ने कियां आया?"

"सिकारपुर जाणै रो मनसूबो है।"

"सिकारपुर जाणै रा मता सू तो म्हे ही आया हां। पठाणां री घोड़यां रो नाम तो आप ही सुण्यो क्लेला।"

"मुण्यो काई वारी खातर तो अतरा दूरां सू चाल'र आयो ही हूं।"

"आछो! घणो आछो!!" भीमजी राजी क्लेग्यो। आछो साथ क्लीयो। म्हारे साथै तीन सौ रजपूत है। आपरे सागै कतरोक साथ है?

पिउसंधी, भीमजी साम्ही मुलकती बोली, "म्हारा साथी तो म्हां हीज हां।"

कथा रण में पैसके, काई जोवे छै साथ।

साथी थारा तीन है, हियो, कटारी, हाथ।।

ठाकरा! म्हारा तो ये हीज तीन साथी हैं। तीन सौ कोनी।"

भीमजी राजी राजी, साथ वाळां ने वठै हीज ठेर जाणै रो कह्यो। एक आदमी ने भेज्यो सिकारपुर पठाणां री घोड़यां चरवा ने कठी ने जावै जीरो पतो लागायनै आवै ज्युं।

खबर लाया, घोड़या बीड़ में चर री है, दस बारा आदमी रुखाळी में साथै है। ये गिया जो घोड़यां ने घेरी, जो आदमी साम्हां वहीयो वीरे माथा में मारी। रुखाळा भाग'र गांव में जाय हाको कीधो, पठाण तीर कवाण ले घोड़ा पै सवार लारै रा लारै भाग्या। घोड़ां रा खुरां सू उडी खेह रो बादली छाग्यो। भीमजी कह्यो, "पठाण आयग्या है झट भागो।"

"कोरा भाग्यां काम नीं चलै, भीमजी, या आवता पठाणां ने रोको। एक काम थारो, एक काम म्हारो। कै तो रुकनै पठाणां ने रोको, कै घोड़यां घेर आगे बढो।

बोलो झट।" बिलोच जवान दाकल कीधी। घोड़य्यां घणी है, महां ले'र ओगे बह
थां याने रोको।

"घणी आछी बात। याने एक पग आगै नीं देवा हूं, थां धीरे धीरे खड़ी, पाछे
सेच मत करजो।"

भीमजी अर वारा तीनसो ही साथी घोड़य्यां घेर आगै बढ़य्या। पिउसंधी कबाण
पै तीर चढ़ाय, मारग में ऊभी व्हेगी। पठाणां रो झुण्ड, दातां सूं होठ चाबतो, झां
में भरयो, घोड़ा दपटातो आयो।

"ठैर जावो, वठै रा वठै, आगै पग दीधो तो मारय्या जावोला। जीरी ग्यारसो
पावडा तीर फैकवा री हिमत व्हे जो आगै आवजो"

लारै रो लारै तणुण करतो तीर गियो। हजार पांवडा पै ऊभा एक पठान री छत्ती
में जाय गड्यो। पठाणां रा आगै बढ़ता घोड़ा धीमा पड़ग्या। पठाण ताण ताण
तीर फैकै जो कीरो ही तीनसो पांवडा पे पड़ै तो कीरो ही साढा तीनसो पांवडा पै, ह
जो एक दो जणां रो चारसो पांवडा तक पूर्यो। पिउसंधी पागड़ा पै पग दे ऊभी हेर
तीर फैकै जो हजार पांवडा दूरां ऊभा पठाणां रा जत्था में जाय जवानां ने बीहै।
छत्ती वाला दस बीस जणां, घोड़ा दौड़ायां आगै बढ़णो चाहय्या पण गैला रा गैल
में हीज पिउसंधी रा तीर वाने अर वारा घोड़ा ने ठिकाणै राख दीधा। एक रो ही तीर
पिउसंधी तक पूर्यो नीं।

पठाण ढीला पड़ पाछा फिरय्या, पिउसंधी पाछे फिर फिर देखती जावै, घोड़य्या
रे खोजां खोजां चाली।

"वाह! बिलोच वाह!! कमाल नरयो भाईजा आज।"

"कमाल वमाल कुछ नीं, भीमजी। लाओ घोड़य्यां री पांती करा, आधी थारी
आधी म्हारी।"

"या किया होवै? आधी थारी अर आधी म्हारी क्यूं? थां एक म्हा अतर।"
भीमजी रा साथ वाला खळभळिया।

"आधी क्यूं नीं? आधो काम थां सगळा मिल'र कीधो, आधो काम म्हें एकलै
कीधो। थां घोड़य्या घेरी, म्हें पठाणां ने रोक्का।"

"या नीं व्हे, जतरा मूंडका वतरी पांती"

पिउसंधी ने आई रीस, कबाण पै तीर चढ़ायो "आय जावो सामने, जो जीतै
वीरी घोड़य्यां, सणण करता दो तीनक तीर खेजड़ा रा गोड ने अर पार करता
निकळय्या। एक री छत्ती नीं चाली आगै आवा री। भीमजी घोड़ा री आधी पांती
कीधी। एक सांड घोड़ा बत्तो। भाटय्या पाछो रगड़ो कीधो "यो तो म्हे ले जावाला।"

पिउसंधी तो काढ तरवार वीं सांड घोड़ा रे कमर में झाटकी जो दो बटका।
आपरी पांती री आधो आध घोड़य्यां घेर बढी, पांवडा पचासेक तो भी अर पाछी
फिरि। "भीमजी, लो ये घोड़य्यां थां ही राखो। म्हारे कांई करणो। लेणी ही जो ले
लीधी, अबै थांने दीधी।"

या कैताई पिउसंधी तो घोड़ा रे एड लगाई, घोड़ो वायरा सूं वातां करवा लाग्यो।
साथ वाला देखता ही रैया।

भीमजी साथ वाला ने समझाया, "थां खोटी कीधी जो ई बिलोच ने नाराज कर
दीधो। म्हुं जावू ई ने राजी करूं। अस्यो बादर आडी वगत काम आवै। अस्या सूरमा
सूं बणांया राखणी चावै।"

भीमजी लारै, खोज देखतो चलयो जावै। एक बावड़ी गैला में आई। कांई मन
में आई जो भीत री कोचर में सूं झाक्यो। देखै तो ऊपर लो सांस ऊपरै, नीचै रो नीचै
रैयो। बिलोच जवान री जगां एक सुन्दरी पाणी में डील रगड़ रगड़ न्हाय री, कनें
पगल्या पै बिलोच रा मर्दाना कपड़ा, तीर कबाण पड़य्या। अतरा दिनां सूं आज एकांत
जगां देख, पिउसंधी कपड़ा उतार न्हावण बैठी। कमर-कमर तांई लटकता केसां रे
मांयने सोना रो सो सरीर चमक रियो। भीमजी री छत्ती नीं पड़ी के इने बतळवै,
पाछा पगां फिरय्यो, सौ पांवडा दूरा जाय, खेंखारा करतो खांसतो खांसतो बावड़ी
कांनी आयो। अतरा में तो पिउसंधी कपड़ा पै'र कबाण नै हाथ में नचावती बारै
निकळ ही गी। भीमजी आंखां में रच भरय्यां मुळकता लगा कहय्यो,

"नाराज क्यूं बैया? घोड़ा ही हजार म्हुं ही हजार। चालो गांव चालो, थां हुकम
दो म्हां चाकरी करा।" डोही डोही आखां करय्यां, मधरो मधरो मुळकतो हाथ पकड़तो
बोल्यो, "चालो।"

"सांव सांव कैदो, भीमजी, थां थोड़ी देर पै'ला बावड़ी में आया हा कांई?"

"चाहे मारो चाहे जिवावो, या तरवार लो यो म्हारो माथो। जीवणों तो थारे साथै
साथै, मरणो तो थारे हाथ सूं।" भीमजी आपरी तरवार काढ पिउसंधी रे हाथ में
झेलाण लाग्यो। "थांरा हाथ सूं तो मरणो ही मीठो।"

तरवार ने अळगी करती पिउसंधी कहय्यो, "म्हुं बिलोच मुसलमान, थां भाटी
सिरदार थारे घर वाला....."

"भीमजी मूंडा पै हाथ राख दीधो "ऊं हूं" जांत प्राप्त तो गुंवार देखै। रजपूत री
जात वीरता। जो आपां एक जात रा हूं हीज।"

मूंडा पै सूं हाथ दूर करती पीउसंधी बोली,

“मूढ़ टाबर ही जद म्हररी सगाई आटा भील रे साथै व्ही, मूढ़ कीरी माग हूँ ने बैर लीषां बिना मानेला नी जो सोच लीजो।”

“कीरो कई सोच! याने मंजूर?”

पिउसंधी रा गाल लाल क्हेया, नीची आंखां कर मुलक दीधो। भीमजी ने लाग्यो जाणै आसमान में उड़ रियो है।

अधारी रात, हाथ सँ हाथ दीखै नीं, झरमर झरमर छांटा पड़ रिया। पिउसंधी अर भीमजी ढोल्या पै सोय रिया। कनें ही ढोलणी माथै पिउसंधी रा दो बेटा गहरी नींद में सूता।

भीमजी तो नसा में, जो गाढा सूता पड़या पण पिउसंधी ने नींद नीं। बीजली रो पलको पड़यो, पलका में पिउसंधी ने दीख्यो भीत पै चढ़तो दातां में तरवार पकड़यां एक आदमी, पिउसंधी चमक गी, आंटे भील। जरूर आंटे भील! दूणे कोई नीं। आटे भील देख्यो बीजली रा पलका में, पिउसंधी ने अर भीमजी ने एक ढोल्या पै सूता थका। नस नस में वासदी लागगी। “आज दोवां रा ही एक झटका में टुकड़ा करूं। घणां दिन क्हेया घात घालतां ने, नींठ आज मोको भिल्यो।” धीरे धीरे पग बजाया बिना वो भीत सँ नीचै उतरयो।

पीउसंधी ढोल्या सँ धीरे सी नीचै उतररी, सिराणा सँ नांगी तरवार उठाय हाथ में तोल्यां ऊभी। सांस रोक राख्यो तरवार ने पूरी ऊंची हाथ में उठाय राखी। आंटे भील ज्युं ही ढोल्या कनें आयो अर सोची के दोवां ने एक साथ ही बाढ़ूं, जठा पैले तो पिउसंधी री तरवार आंटा भील पै पड़ी जो माथो टूट पगाल्यां कानी गुड़यो, धड़ वठै हीज ढोल्या कनें पड़यो। लोहयां सँ आंगणों आलो क्हेयो।

तरवार ने सिराणै मेल पिउसंधी सोयगी।

पाछली पो'र रा भीमजी रो नसो उतरयो; नीचै उतरया तो लोहयां में पग पड़यो, चप चप करता पग भरया, जाण्यो परनाला रो पाणी भरयो दीखै, बोला, “रात अधारी चीखले”

झट पिउसंधी बोली, “आंटे बीखरियो।”

मैं। पिउसंधी झाटकियो, सो भीमो ऊबरियो”

जखड़ा मुखड़ा दोई बेटा ने पिउसंधी आप तीर कबाण चलावणो सिखावै, तरवार रा हाथ बतावै।

गांव रे बारै, साथियां रे साथै दोई भाई खेल रिया। एक गुवाळ दौड़यो आयो, छाती में सांस नीं माय रियो, गांव साम्हें भाग्यो आवै। जखड़े रोकतै लगै पूछ्यो, “कई व्हीयो? भाग्यो क्यूं जाय रियो है?”

“ना'र, ना'र गाय ने मार रियो है, मोटो ना'र।”

“कठै कठै?” जखड़े मुखड़े साथै साथै पूछ्यो।

“यो कनें ही।”

“चाल, चाल बता” गुवाळ रे लारै जखड़ो क्हेयो।

देखै तो ना'र गाय ने पकड़ छाती नीचै दबाया बैठ्यो, चारुं कानी झांक रियो। यां ने देखतां ही ना'र झपट्यो, जखड़े तो आवता ना'र रे साम्हें माथै तरवार री झापटी सो भेजो खुल्यो। “हो, हो” करतो ना'र जमीं पै ढल्यो। पूंछ पकड़ रींसता लगा धरै लेया।

भीमजी राजी तो व्हीया पण बोल्या, “ना'र सिंध रा धणी री सिकार है। ओळम्भो आवैला।”

सांच ही दूजे दिन तो सिंध रा नवाब रा सवार आयया, ना'र मारयो के जीने हाजर करो।

भीमजी जखड़ा ने ले नवाब रे कनें गिया।

नवाब झपट तै लगै पूछ्यो, “ना'र कुण मारयो?”

जखड़ो ऊभी व्हीयो, “म्हे मारयो।” नवाब मूंडो देखतो रैयो। ई दस बरस रा टाबर रा निस्संक पणां पै अचंभो आयो।

“क्यू?” नवाब सवाल कीधो।

“ना'र गाय ने मार रियो जो बीने बचावा ने, दूजो बस्ती रे कनें आययो ज्युं, मारतो नीं तो भिनखां रो नुकासाण क्हेवा देतो?”

नवाब चुप रैयो। माथा सँ लगाय एड़ी तक गौर सँ बीने देख्यो। लड़का रो डील, मूंडा रो तेवर, चेहरा रो रोब, बोलणै री हिम्मत। भीमजी कांती देख्यो। भीमजी डील डौल सकल रो तो आखो पण जखड़ा री तो बात ही और। नवाब सोच्यो, टावर कै तो मां पै के के वाप पै के। यो जरूर ई री मां पै है। ई री मां ने देखणी चाहीनै, कसीक है

भीमजी सँ कह्यो, “ई जखड़ा रो खेत बतावो, जीं खेत में यो नीपज्यो, बीने देखण री लालसा है। थां घरां जावो पण जखड़ा रो खेत बताणो ही पड़ेला”

भीमजी डीला डीला धरै आया। पिउसंधी पूछ्यो, “कई बात व्ही? अतरा उदास क्यूं?”

“उदास काँई है, के तो घर छूटैला के मनख जमारा पै कलंक लागैला। और काँई नी व्हेणी है। नवाब जखई रो खेत देखणै री जिद करै। मूँ म्हरा लुगाई की बताऊँ? भीमजी उदास व्हे डोल्या पै पड़्या।

पिउसंधी दी दिन भीमजी ने अमल रो दूणो गाल्लमो दीधो। भीम जी ने नौ नतो व्हेयो, वाने सुवा देय पिउसंधी आपरी पुराणी पोसाक काढी, आपरा घोड़ा नी जीण कीधो। सूरज ऊगातां ऊगातां, नवाब रा दरवाजा बारै आय ऊभी री।

चोबदार रे सागै अरज कराई कांगड़ा बिलोच रो बेटो आयो है, मुजरा री अरज करावै।

नवाब बुलायो, मुजरो कर अदब सूं बैठी।

“थारो नाम?”

“सिकार खां। आपरै सिकार री तारीफ सुणी है, म्हारे ही सिकार रो साक है। सिकार पधारो तो सिकार खेलां, देखां अर दिखावां। सिकार करां अर करावां।”

नवाब झट सिकार री त्यारी रो हुकम दीधो, करनाळ कराई, सिकारी कुता साथे लीधा, हाथां रे बाज बांधा, सिकार चाल्या।

जठी ने पिउसंधी निकल जावै, वठी ने जिनावरां रो ढिगलो व्हेतो जावै। वीर निसाणा देख देख, नवाब साबास, साबास करै। तोरां री मार देख दाता तलै आंगली देय दीधो।

साझ ताई सिकार रम्या, धणो आणंद आयो। नार सूरं रो ढिगलो कर दीधो पिउसंधी तो। सामर, हिरणां सूं गाड़ा भर्या।

पिउसंधी घरै जाणै री सोख मांगी। नवाब कह्यो, दो दिन और ठेरो थारै साथै धणो आणंद रियो सिकार रो। काले और चालांला।

पिउसंधी सलाम कीधी, “फेर दो चार दिन पछे हाजर वूँला, आज तो जल्दी जाणो ही है। नवाब कड़ा सिरोंपाव दे सीख दीधी।

पिउसंधी घरै आई जतरै भीमजी डोल्या पै पड़्या आळस मोड़ रिया हा। दूने दिन तो नवाब रा सिपाही भीमजी ने आय ताकीद कीधी हीज जखड़ा रा खेत ने बताणै री। पिउसंधी कड़ा सिरोंपाव भीमजी रे हाथ में दीधा, ये नवाब रे मूं डगै राख दीजो पछे वो खेत ने देखवा रो नाम नी लेवै। भीमजी ने देखतां ही नवाब आखा काढी।

“एकला एकला आया? मूँ देखवा ने कह्यो वा चीज कठै है?”

“वा तो नजर गुजर कद की ही व्हेगी।” भीमजी हसते हसते कह्यो।

नवाब लाल पड़्यो, “भीमजी! तमीज सूं बात करो।”

“तमीज ही सूं तो कर रियो हूं। ये कड़ा सिरोंपाव म्हारे पैरवाने है जांने ओळखो। कालै सिकारखां आप सूं मिल्यो कोनी हो के?” नवाब अचम्भा सूं बाको फाड़ दीधो।

“वाह रे वाह सिकारखां! असी मा हीज अस्या पूत जणै।” गाबड़ हलावतो, दूहो बोल्यो,

भुई परक्खो हे नरां, काँई परक्खो विंद।

भुई बिन भला न नीपजै, कण तुण, तुरी, नरिंद।

धरती (मां) ने देखो। बिना उत्तम धरती (मां) रे, तुण, धान घोड़ा अर नर आछा पैदा नों व्हे सकै।